

67

5. febr.

KONUNGLEG AUGLÝSING

um að ríkisstjórn sé falin á hendur ríkisarfa í fjarvist konungs.

Vér Christian hinn Tíundi, af guðs náð konungur Íslands og Danmerkur,
Vinda og Gauta, hertogi í Slésvík, Holtsetalandi, Stórmæri, Þéttmerski,
Láenborg og Aldinborg,

Gjörum kunnugt: Þarð Vér erum á förum til útlanda, viljum Vér samkvæmt lögum 11. febrúar 1871, sbr. 3. gr. dansk-íslenzkra sambandslaga, að ríkisstjórn í fjarvist Vorri sé falin á hendur ríkisarfanum.

Því birtum Vér hérmeð Vorum kæru og trúu þegnum, að hans konunglega tign krónprins Christian **Frederik** Franz Michael Carl Valdemar Georg tekur við ríkisstjórn í Voru nafni frá þessum degi þangað til Vér komum heim aftur.

Gjört á Amaliuborg, 5. febrúar 1935.

Undir Vor konunglega hönd og innsigli.

Christian R.

(L. S.)

Hermann Jónasson.

68

6. febr.

BRÁÐABIRGÐALÖG

um breyting á 22. gr. laga nr. 6, 9. jan. 1935, um tekjuskatt og eignarskatt.

Vér Christian hinn Tíundi, af guðs náð konungur Íslands og Danmerkur,
Vinda og Gauta, hertogi í Slésvík, Holtsetalandi, Stórmæri, Þéttmerski,
Láenborg og Aldinborg,

Gjörum kunnugt: Fjármálaráðherra Vor hefir tjáð Oss, að nokkur vafi leiki á um það, hvort undirskattanefndir þær, er nú sitja, eigi að starfa áfram samkvæmt lögum nr. 6, 9. janúar 1935, eða hvort skipa eigi nýjar undirskattanefndir. Með því að svo er ástatt, sem að framan greinir, og úr þessu þarf að skera án tafar, svo skattanefndir geti óhindraðar sinnt störfum, en hinsvegar eðlilegast á allan hátt, að núverandi skattanefndir starfi áfram, teljum Vér brýna nauðsyn bera til þess að gefa út bráðabirgðalög um þetta efni, samkvæmt 23. gr. stjórnarskrárinnar 18. maí 1920. Fyrir því bjóðum Vér og skipum þannig:

1. gr.

Aftan við 22. gr. laga nr. 6, 9. janúar 1935, bætist:

68

6. febr.

Undirskattanefndarmenn þeir, sem nú eru, halda starfi sínu þar til tími þeirra er útrunninn.

2. gr.

Lög þessi öðlast þegar gildi.

Eftir þessu eiga allir hlutaðeigendur sér að hegða.

Gjört á Amaliuborg, 6. febrúar 1935.

Undir Vor konunglega hönd og innsigli.

Í nafni konungs

Frederik
ríkisarfi.
(L. S.)

Eysteinn Jónsson.

AUGLÝSING

69

23. febr.

um samning um póstviðskipti
milli Danmerkur, Finnlands, Íslands, Noregs og Svíþjóðar.

Póststjórnir Danmerkur, Finnlands, Íslands, Noregs og Svíþjóðar hafa samkvæmt fengnu umboði komið sér saman um þau sérstöku ákvæði í póstviðskiptum milli greindra landa, er fara hér á eftir.

1. gr.

Almenn ákvæði.

1. Hver póststjórn um sig sér um og ber kostnað af póstflutningi af sínu landssvæði til næsta lands. Með sérstökum samningi milli póststjórna þeirra, sem hlut eiga að máli, má þó gera aðrar ráðstafanir um þetta.

2. Þegar póstur er fluttur sjóleiðis, skal flutningur hans frá landingarstað til hlutaðeigandi pósthúss framkvæmdur af póststjórninni, sem tekur við honum.

3. Til frimerkingar á bréfaþóstsendingar, er finnst í bréfaþakassa frá einu landanna til annars og ekki hafa áður verið teknar til póstmeðferðar, gilda frimerki beggja landa.